



437
6024

0
1 cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30

deli
浙字02260122号 No.6230
得力集团有限公司



161783













五言律

衛輝別友人

荒郊臨牧野入城

京塵柳上新柳

別友人
女

瓦店驛

數日疲車馬


行水定無山





五言律

衛輝期友人不至



荒城臨牧野入望麥痕青路轉橋通肆門開席作屏
京塵樓上斷鄉語晚來聽竟夕懷人意花陰月轉庭

劉詡庵曰麥痕句已見望
友意此後止寫一望字

瓦店驛

數日疲車馬乘閒步菜畦淺茵聊共坐清酒更相攜
野水光搖岸山花香滿隄幽禽如有意恰恰向人啼

田蒙齋先生曰五六工練收處更精
劉訥庵曰得摩詰之神

黃金口次韻

計程方及半萬里尚南天
麥飯憑壘下繩床藉艸眠
崩崖吹浪急老樹度風偏
此際覓消處村醪可十千

田蒙齋先生曰老樹句幽細
劉訥庵曰予亦飽歷崩岸未能有此佳句

四河口夜泊

風急聊停棹荒涼斷客魂
艸深全沒岸樹遠迥無村
白日驚聞虎黃昏怕叫猿
良朋相慰勞王事復何言

田蒙齋先生曰三四恬淡近韋柳
丁詹汝曰荒僻如見

津市夜泊

人家臨水迥煙火媚斜陽
片席迎風落高樓泛酒香
荷鋤僧種藥打麥婦登場
共坐談僊事清分明月光

大水

共厭車塵苦登舟利大川
潮平酣午夢席掛對晨編
巖壑臨窻動星雲壓岸懸
行行天漸下信是雨添泉

田蒙齋先生曰五六空同多此種
劉訥庵曰星雲句奇

又

正有滄洲樂偏來
泮水憂天沉雲一色
山動樹同流
穴鼠衝舟亂巢禽抱木
愁推蓬時極目何處有青疇

田蒙齋先生曰可謂深入淺出
丁澹汝曰全首可敵愁霖一賦

又

高原成澤國城郭半丘墟
日抱龜鼉躍人依鸛鶴居
渾忘身是客竊恐若為魚
輾轉多憂思搔頭叩太虛

思家

宛轉溪流響紆迴嶺路斜鳥形紅似火水葉白如花
雲走亡齊動風來樹亂譁艱辛愁此地再過是還家

田蒙齋先生曰三四工部集中不多得
丁澹汝曰三四工于體物

過平溪畱贈陳使君

途窮愁阮籍翻快得陳蕃薄宦清于水荒城靜似村
茅廬纔版築草樹尚沙痕此際能移榻殷殷古道存

劉訥庵曰音響自穩
丁澹汝曰酬贈詩難得如此超脫

鷄鳴關

雄關侵曉下迴望嶺雲高
田棧穿人小危巔抱樹牢
沙平吹細雨谷轉響洪濤
此去堪乘興前村問濁醪

田蒙齋先生曰三四似嘉州○又曰小字刻牢字妙

劉訥庵曰脫胎少陵
丁澹汝曰三四與老杜懸崖置屋牢同妙

次韻

艱難疲行役前路幾時平
渡水隨深淺看山任側橫
馬從隙際上人向霧中行
叱馭因王事微軀自覺輕

田蒙齋先生曰中四語是此地實
丁澹汝曰奇句寔景非身歷滇黔不辨

頂站

出門

山外



鸚鵡寺

鸚鵡六年寺黔

地勝畱車馬僧高澹見聞片時

田蒙齋先
劉訥庵曰



豁齒觀兒戲

陀

冰壺

吾徒





一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百



山松解

漫訝空山老胸中有大觀
茯苓千歲壽琥珀列仙丹
地僻樵蕪少天高雨露寬
鄧林多槁木幾見飽峯巒

田蒙齋先生曰
五六是少陵

劉訥庵曰一嘆一解憐才苦心
丁澹汝曰足為山松解嘲

淘金河

北山遙入望幾曲匯成川
地與貪泉異名兼麗水傳
化丹偏有術鋪地幻為緣
只恐勞勞者多教誤力田

至日山行限韻

叱馭嚴程急欣逢日至南旌旗搖嶺樹簫鼓破山嵐
徑險心能穩奇多眼不貪悠悠行路者誰向此中叅

田蒙齋先生曰搖破二字
練○又曰愛山正不必廉

劉訥庵曰疊嶂層嶂中如
在多寶篋內
下澹汝曰確是滇遊人心眼

黃連舖

溪流飛雨嶺勢起層雲既苦炊烟斷何堪日景曛
星流依榻落柝響帶風聞欲睡愁難寐謔詩坐夜分

劉訥庵曰
清風肆好

泰山寺

小憇來松逕塵襟許暫清
登臨還我輩遊戲亦多情
蠻曲聽無字山禽問有名
何人能送酒共對野花傾

田蒙齋先生曰前六句登峯造極
劉訥庵曰近來好讀此種亦好作此種

博南山 俗名可嚙

一線通西極可嚙瀉百盤
壑雲扶馬滑霜葉繞衣寒
到此方知險經過益嘆難
萬津誰闢徑遺句尚含酸

劉詡庵曰苦境作甘
丁澹汝曰壑雲二句別

除日偕顧輝六錢鑿濤范伊璜遊龍泉

殘年餘半日逸興自千秋共愛名泉好相攜出郭遊
亭虛容月到砌冷帶雲幽山意知春近紅霞倒碧流

田蒙齋先生曰名
泉二句連貫得妙

龍泉寺聽溪精舍

一楹藏子趣卽此是祇園勝地隨人闢閭情共友論
竹搖分日影泉滴落雲根坐久忘歸去山城欲閉門

法明寺

探奇原傑性况是古禪林望望雙旌入行行一逕深
烟生城市晚磬響嶺雲沉遙指征南寨遺踪尚可尋

劉訥庵曰三首
俱見清微名貴

羅岷山 俗名倒馬坑

欲得真遊趣何妨屐齒穿花飛知鳥下樹動見猿牽
泉激危峯撼藤封古洞懸倘能逢木客共對瀟雲烟

田蒙齋先生曰三四
是盛唐又曰牽字佳

劉訥庵曰非躡屐不知其勝
丁澹汝曰細心明眼

由沙木和再走博南山路

對面疑無路穿林路幾盤
憑車心望望驅馬步跚跚
樹蘚紛拖綠山花艷放丹
休嗟行役苦景物耐人看

田蒙齋先生曰王孟風格
劉訥庵曰逼真

三塔寺

山從阿育闢勝蹟冠南天
檻外羣峯盡窻中一水全
鐘分城郭小塔共日星懸
法界聯西竺誰叅不二禪

田蒙齋先生曰全字奇押
丁澹汝曰風格直躡右丞

又

出門當急雨入座定山風睥睨諸天近逍遙一杖通

波分巖雪白日掛海帆紅暫借舒長嘯塵心洗太空

田蒙齋先生曰
口掛句好景

劉訥庵曰聲徹雲嶽
丁澹汝曰五六如畫

醫王寺

冥烟千嶺合遊興一時催戒僕輕裝出呼朋逐隊來

燈火搖竹院花氣裊香臺歸晚餘狂興詩從馬上裁

劉訥庵曰花以氣香詩以韻勝

遊高頂寺

不忍虛遊屐雲泉快一登龍河低宛轉鴈塔小峻嶒
移坐花陰接更杯鳥韻增相攜隨興返何必月華升

田蒙齋先生曰起句有情
劉訥庵曰於轉換處見姿

廣通星聚亭

迤西辛苦路強意此郵亭壘石雲生壁繁花錦列屏

人懷三徑遠戶對一峯青恐有風塵跡勞勞愧使星

舍城寺

驛外山盤寺垂鞭野興牽鳥閑依壁立犬靜傍花眠
結坐酣清蔭行吟踏暮烟三車誰自解感慨對金蓮

田蒙齋先生曰三四似嘉州
丁澹汝曰自然高渾

又

地僻無兵火山雷太史名
暝烟籠萬嶺落日照孤城
捫壁懷前輩題詩感後生
他年登眺者千古有同情

田蒙齋先生
曰三四老筆

劉訥庵曰二詩直奪岑王而錢韋不
足言矣落日句高渾大靜句沉細

楊林早發

侵曉征輶發熹微旭影紅烟生春樹雨浪捲麥秋風

漁艇隨車動僧房引屐窮藥靈山名遙在望誰是採芝

翁

劉訥庵曰烟生
二語晨光在日

曲靖道中

輕車驅白石急雨下蒼茫疊嶂烟迷翠危橋水泛黃
近村行轉緩敲火意偏忙此夕停何處相期入醉鄉

田蒙齋先生曰危橋句更勝
劉訥庵曰卽事爾爾

越州

雲闕生晚霽水漲遶孤城到寺鄉心定登樓野望清
殘陽深樹隱遠電隔山明茅屋烟波裏何曾怕浪生

田蒙齋先生曰到寺句
靜細五六寫來更雅

劉訥庵曰聲律直敵少陵
丁澹汝曰極似岑嘉州

和摩道中

路隨山口轉村抱水聲斜不信征塵滿偏令客興賒
驅牛肩掛笠插稻鬢垂花日午停車蓋傾殘野老茶

田蒙齋先生曰五六酷似放翁
劉訥庵曰據所見便成妙語

發陸涼

空濛城市曉風景憶江南烟破支提出霞飛釣艇含
橋痕沙印白樹影水拖藍客路囊雖澁尋詩興正酣

田蒙齋先生曰秀發
劉訥庵曰新藻繽紛

澠江道中苦雨

悵望羣峯雨雲驕故不飛空裝遲密箐疲馬立危磯
力共輿夫盡心因底事造何當懸朗曜物我沐晴暉

曲江驛

望去人家近行來路轉遙青帘迎樹杪絳閣出山椒
漲落沙痕細城荒艸勢驕入門愁傳舍風雨閉清蕭

田蒙齋先生曰驕字寫出
荒艸之多勢字形容人神

劉詒庵曰細賦
丁澹汝曰五六老杜佳句

宿盤龍寺

客路憎城市僧房借解鞍花明嬌鳥集樹古老龍盤
海氣蒸山白秋容帶郭丹捫碑餘吊古感慨一憑欄

田蒙齋先生曰大雅

劉訥庵曰真是牙齒伶俐
丁澹汝曰蕭爽絕倫

又

開山傳盛事不朽見元神衣鉢前朝舊香花萬古新
真空原有象大道本無身八月燒檀者知誰是解人

丁澹汝曰五
六悟後語

呈貢道中

驅車呈貢道，髣髴似吾鄉。
錯壤瞻鱗次，揮鋤見鴈行。
露垂梁穗重，風過豆花香。
雖隔千層嶺，神飛到我堂。

家居
堂名

田蒙齋先生曰：風過句秀拔天然，極淡極老。
劉訥庵曰：白雲高望，咄咄逼人。

香海菴訪水壑

課士饒餘興，尋僧動遠思。
到門縈柳色，入座裊花枝。

茶臼還調藥禪床只賦詩清談忘世味歸去不知遲

劉劭庵曰讀此
水壑品地都靜

曹溪寺

路轉春風細心傾野衲開驚聞潮聖水忍不看名山
樹走雲迎客花飛鳥解顏漸聞清磬響不復似人間

田蒙齋先生曰無
語不妙忍字更精

又

入門瞻色相信是古禪林壁老香烟暗碑殘墨榻深

曇花初地是龍洞隔江尋坐久遲歸騎泠泠見客心

田蒙齋先生曰美秀
劉訥庵曰二詩雅淡酷似韋孟

安寧溫泉之側許無功觀察新闢一池

三來葱嶺下乍喜見斯亭一水遙分碧千山共送青
幽懷依曲壑秋色入疎櫺正好如泥飲偏教酒力醒

田蒙齋先生
曰一結悠然

又

嵐光橫檻外欲去復徘徊看樹霜痕轉聽潮雨氣來

垢隨心共淨花與眼同開小築饒餘興臨窻想異才

田蒙齋先生曰聽潮句衆山皆響
又曰妙處只在眼前人不能到

楚雄阻雨

翻如投轄住孤館閉清蕭榻冷烏薪貴燈昏白鳥驕

銜杯愁蟋蟀伏枕畏芭蕉誰展推雲手乾坤破寂寥

田蒙齋先生曰三四工練。又曰畏字
劉詡庵曰伏枕句恐滴入愁心

喜晴

曉起看雲氣山頭隱隱紅花垂枝帶露樹轉葉含風

陽鳥心還見妖螭技已窮前途從此便復旦萬方同

沙橋

休嗟行路苦尋樂在吾曹花霽情兼爽山明眼愈高
堆盤憐菜甲鋪地喜松毛何必羅珍異方稱一世豪

田蒙齋先生曰三四淺景却難于寫出五六精
妙少陵每好爲此瑣碎語憐喜二字更着意

傳舍

傳舍多難問無如此地偏艸驕難覓地屋老好窺天
直水懷明月屏山隱暮烟棲流遙在望民病更誰憐

田蒙齋先生
曰三四縱甚

遊水目山

名山勞夢寐紆徑此來遊遠指層崖樹斜盤斷壑流
到門諸籟發入座一龕幽不用深相欵塵蹤自許留

又

散步臨高閣雙眸豁遠天前峯浮白浪暮樹起蒼烟
燈火穿林動星雲傍戶懸歸來敲短句更盡不曾眠

田蒙齋先生曰燈火句深
劉訥庵曰夜色如畫

丁澹汝日五六何滅星臨
萬戶動月傍九霄多之句

又

天外聞鐘磬雲中客夢醒
催朋同看日戒僕早覘星
忽見霞成紫真憐眼是青
獻奇知有意歡喜謝山靈

田蒙齋先生曰歡
喜妙人不敢用

又

更許重樓上能教大界寬
雲容呈變態海氣幻奇觀
共水開雙目呼天傲兩丸
乃知高士癖遊屐滿峯巒

田蒙齋先生
曰呼天句奇

又

不悉名山別臨行再上樓依然同耳目又復變林丘

日引羣峯動風扶野樹流片雲無任意題句問堂頭

田蒙齋先生曰五首篇法既穩聲韻復清奇字
名句側見橫出○又曰扶流二字何處得來

劉劭庵曰季光備目變動不常
是慧眼人○又曰風扶句妙

丁澹汝曰先生集中每用動字流字轉
得佳語由其心細如髮故能鞭撻萬象

田水日下趙州不走白崖舊路

路總山中路還憐蹊徑新顛峯行似水秃樹立如人
浪捲三冬雪霜鋪二月春山川多古意收拾是風塵

田蒙齋先生曰三四神清語麗
丁澹汝曰三四入画

迷渡道中陸雲州以瘴賦見貽

磴折黃泥路烟迷白板扉
朔風禽亂語競壑水爭飛
宦况秋山瘦閒情客眼肥
故人新賦出展卷欲沾衣

田蒙齋先生曰肥字從無如此押
丁澹汝曰宦况秋山瘦堪爲真遊諸君寫照

打牛坪

孤館空山裏炊烟斷四隣支床憑濕艸借箸削乾薪
夜靜驚聞豹聲喧續起人挑燈難再寐得句倍傷神

田蒙齋先生曰三四新
劉詡庵曰空曠可畏。又曰借箸句似放翁

萬松閣

萬樹蒼茫裏凌空一閣懸青螺翻翠浪白景瀉紅泉
放眼能齊物披襟好問天老僧偏解事索句續三仙

滇中襍詩

不赴雲南路安知此極荒井鹽分黑白松葉間青黃

置基皆木懸橋鐵是梁更憐民俗異士女總同裝

又

南國通交比西番隱雪峯文明生孔雀怪異有邪龍
水以三潮聖山曾五嶽封蒲蠻今向化萬里仰朝宗

又

嶺勢翻層浪人蹤嘆寂寥蜂窩懸樹杪猿穴遍山腰
雲引青天下濤攜翠嶂搖客遊經此地無恨亦冤消

又

勺水皆稱海平洋却道川插天懸玉笋湧地出金蓮
一石分魚界雙流合浴泉人情多喜怪到處說神仙

又

異土傳三齒荒村記五樓山中嘯木犬峽裏飯金牛
魑洞陰埋日龍淙氣帶秋春來多社會蒙段俗還留

又

羹鷄呼佛號龍女獻仙花地僻金蟾隱天高石燕斜
危橋沉黑水毒瘴發紅霞市上無奇貨檳榔與普茶

又

犯星傳火把戴月弄蘆笙寶石殊方貴金囊土俗輕
羊皮克有紅牛背作經營獨喜神黃豆能令痘不生

又

九月爭朝斗元宵水調歌趕街羣婦集祭鬼四時多
化畜驚聞怪生龍見有河樹頭還產酒曾否似波羅

又

璀璨寶珠光真能壓衆芳虎頭懸老樹鳳尾出高墻

石斛黃金色秋蘭白雪香入春紅萬壑直欲比河陽

又

曾看倒影樹又指望夫雲碣剝懷元禮臺荒記右軍

金沙源浩淼鐵柱氣氤氳吊古多餘思裁詩紀見聞

田蒙齋先生曰襍詩似詩似記不減秦州
劉詒庵曰襍詠如讀子瞻海外書及柳州各記

丁澹、日襍詠十首屬對精工選聲宏亮鎔鍊
之極歸於無迹所謂融情景於一氣會意言於

獨造者賦手詩心
洵堪虎視壇坫

汶木和畱贈周亭長 周濟南人

依然此傳台灑掃見清幽共道鄉情好能消客路愁
山容牆外麗風色坐中柔萬里還家念因君許暫留

日良先生
好有柔字

四度博南

博南經四度一度一心驚谷暗纏陰氣林幽發怪聲
圍天青嶂合鋪地白雲平送客如持贈山川不世情

田蒙齋先生曰三四奇創結句有
丁澹汝曰幽深突兀如聽鬼嘯雲阿猿吟雪嶠

再宿黃連鋪分得黃字

曾來驚客夢再過轉淒涼
熨子秋爲衛蓬門借作牆
笳鏡聲栗烈烟火野昏黃
無酒難成醉分題伴夜長

蒼山

肇春曾客此無句謝名山
得借羣公懶常偷數日間
登樓容嘯傲對酒代躋攀
放眼諸峯上歡然似解顏

又

日炎蒸海氣呼吸接山靈
今古還同色晨昏不一形
無心爭玉尺作意黨天青
莫怪風聲劇須分衆籟聽

田蒙齋先生曰三四從鮑謝
古詩肥化○又曰黨字亦創

丁澹汝曰朝暉
夕陰氣象萬千

又

峯雖呈十九勢却隱千重雪古渾無夏雲奇實有龍

地傳開大士名許紀崇封是處堪清眺何時一策筇

田蒙齋先生
曰三四豪宕

再過綠蘿泉有懷高徵伯

故人虛舊約勝地且重遊共坐清陰下依然此境幽

寒禽窺木末，落葉擁泉流。
好句無心得，臨風憶唱酬。

田蒙齋先生
日落葉句勝

大理署樓夜集

凍合羣峯雪，挑燈坐夜長。
開樽風忽定，得句老尤狂。
高士來秋水，騷人擅葯房。
相逢成痛飲，堪此慰他鄉。

田蒙齋先生曰：開
會句，星光可見。

楚雄立春

春來猶舊歲，律轉已新年。
行役蠻山外，思親海日邊。

緝書方引睡得句又忘眠咄出何爲者深情祇自憐

田蒙齋先生曰五六苦吟乃爾
劉訥庵曰三四真性情是真詩一洗葭飛舊語

又

終日常無事荒衙靜似村推枰閱史移坐正當門

山紫沉烟氣塔青上艸痕土牛鞭已動春酒不盈尊

田蒙齋
劉訥庵
曰五六鍛鍊
以人猶寂寞况於牛馬走

春行襍詠

閉門嗟歲暮攬轡見春光水色波輕縠山容傅淡妝

艸隨畦麥醒菜共野花狂景物今年好衢歌樂未央

田蒙齋先生
曰醒字妙

又

長途饒景色隨意待人收
媚日聞啼鳥披霜見牧牛
殘梅窺樹裏老杏笑橋頭
遮莫遊情醉無須問酒樓

田蒙齋先生曰
老杏句光怪

又

相將消豕晝油幕掛陳編
忽破車中夢如叅醉後禪

簇新花織錦
蘸綠紗鋪烟
更喜人家近
松枝換舊年

劉詡庵曰物態驚新
丁澹汝曰三四非疲於津梁者不覺

又

茅店停車蓋
臨窻野趣融
驂驪嘶曉日
蝴蝶試春風
水染前村碧
桃薰半嶺紅
登高還有興
野寺小橋東

田蒙齋先生
曰試字新

煉象關

雄關書勝國
破廟見新題
谷轉羣峯盡
山臨萬樹低

泉聲纏粉壁雲勢起丹楹偶坐同僧話花間鳥亂啼

田蒙齋先生曰用字皆慘淡經營

劉訥庵曰中唐人口吻丁澹汝曰三四高渾似盛唐人語

老鴉關情輝六伊璜野坐

攜手同行飯山光暮靄中負薪樵子下較射健兒雄

嘉樹清含月柔茵冷御風遊情隨處好歌笑慰途窮

戲題紙鷲

潔白姿無染輕盈能欲仙動中生羽翼高處覓因緣

近日追威鳳，凌風薄。猛鷗放收，憑我意兒輩好周旋。

楊林雨小憩大鼎山茶樓

病起愁長路，何堪冒雨行。停車神未定，入座景還清。
霧引羣峯聚，窻含一水明。賞心捫壁艸，狂態又重生。

田蒙齋先生曰：霧引句神到。
丁澹汝曰：聚字佳。

易龍

殘堞山前隱，垂楊夾路分。裘輕寒掠雨，車重濕沾雲。
灑淚來魚素，是日江右王次彥傷心斷鴈羣。悠悠添

客緒索酒博微醺

客有談快活林之勝者

背郭人烟迥青帘入望斜沿溪千樹柳繞砌數盆花
地僻梵音落窻虛鳥語譁乘閒沽一醉清夢滿蒹葭

響水

咫尺分岐路驅車入石城看人交水去越嶺負金迎
冀野重來意滄溟北望情征塵何日盡悵望眼花生

樓眺

昏曉存天地臨窻之解顏嵐光平似水雲勢突如山
日射波紋動烟籠樹色闕呼朋時極目得句好同刪

丁澹汝曰三四眼
前境拈出便妙

又

客况誰能淡閒情我自耽山銜初日紫雨洗遠村藍
織網憐蛛巧傳枝笑鵲憨偶然尋物理守拙又何慙

田蒙齋先生曰三四
極自然五六幽細

曲靖鄭二守舊爲吾郡司馬邂逅萬里時以飲

食見惠

故人憐我病戀戀餽嘉餽
糝米來鄉味章魚憶海庖
爐烟青篆結庭樹綠陰交
良夜懷良友新詩對月敲

重宿陸京大覺寺

祇舍經重憩悠然豁素心
塔尖盤老樹松頂噪歸禽
雨氣沉階靜香烟入夜深
今宵無襪慮清夢繞遙岑

丁澹汝曰雨
氣句深細

白鶴舖

去年曾一飯萬慮幾消磨何以神堂樹青陰此日多
遙村含宿雨曲水漾微波還有登臨興銜杯向翠螺

田蒙齋先生曰清隱

陽宗

陽宗辛苦路尚憶雨中愁曲折黃泥坂高低黑水流
望崖驚倦馬立水羨輕鷗却喜重來日羣峯霧漸收

岳泉寺

鼓興來幽境涵虛法界寬精神生陡健耳目縱奇觀

岳勢隨雲動泉聲挾雨寒良朋遲未至催騎待同看

田蒙齋先生曰三四說得出亦老到
丁澹汝曰五六高警何可多得

又

歷走山中路禽聲此處多遠烟開埤堦幽意滿藤蘿
坐久鄉思淡談深病體和神僊畱往蹟我輩莫蹉跎

田蒙齋先生
曰起句神會

贈天池羽士

方外多奇士如君又不羣胸蟠丘壑迥力劃古今分

遊俗輕妻子開山破見聞丹成應有日紫氣正氤氳
清賞亭雅集

小隊來華藏清風淨俗氛護泉敲老樹觸石吐晴雲
海近波光動亭虛日影分山禽偏有意對客語慇懃

田蒙齋先生曰三四真少陵
丁澹汝曰全首清健

又

有客攜枰至謹言共此亭尊收千畝綠塵落萬峯青
樹葉閣中辨泉聲醉後聽幽情良不負紀勝托山靈

別澂江

分明辛苦路却覺興橫生
暴水兼山動饑烟入霧平
披簑魚網集張蓋葉舟輕
隨意收囊篋流雲自在行

星雲湖泛舟

共厭泥沙苦興言駕小刀
魚龍新耳目簫鼓散波濤
深樹村微動中流山轉高
馳驅萬餘里半日解塵勞

又

兩度滄洲意今朝愜快遊
開尊山倒影載筆水平流

清酒菱花雨寒生柳葉秋歸期餘興在還許泛仙舟

通海道中

羣山環一水螺屑滿平沙霞染山椒樹霜鋪蕎麥花
支提臨郭迥小艇帶村斜此地多仙隱深林白氣賒

臨安署樓

溫風方釀暑冷雨却含秋海近潮生枕天低霧滿樓
懷鄉呼魯酒坐月看吳鉤年少多狂態相隨到白頭

丁澹汝曰三四何
減海明江白之句

又

不倦遊山興清蕭日閉門圖書親白墮風雨老黃昏
淡入吟蛩意濃添砌艸痕同心欣有託吾道敢言尊

丁澹汝曰
冲懷自遠

和范伊璜題扇

登樓天際想得句扇頭題日影流高樹雲光護斷溪
興堪隨鶴駕志豈老鷄栖楚曲心同賞燕臺手可攜

丁澹汝曰
護字佳

月下卽事

無事人眠早狂多我句成高吟催夢醒細酌對風清
水淨星齊動雲飛月倒行空庭歡暢敘還許墨縱橫

丁澹汝曰第六句奇語實
語從前詩人俱未經說出

臨安襍詠

夢雖馳海畔興不減晌陽驅暑雲如蓋分秋月似霜
脾清和惹艾顏赭醉檳榔更喜忘形友詩成許共商

丁澹汝曰衝口
道來却極雋爽

又

潦倒人空笑風情我自知
添毛傳小像刮胃吐新詩
獨放樓頭眼同傾月下
危儘堪消物累三歎又何爲

丁澹汝曰三
四屬對工整

臨安試竣招數生小集
適道南博也兩上人

期而至因以僧來限韻
予以他事出署輝六

伊璜亦赴丁澹汝之招

閉門非遠俗况味恰如冰
忘老疎臨鏡耽書喜近燈

虛樓雲布濩幽砌草萋陵誰使蒼苔破談詩幸有僧

又

授簡畱人住頻教擊鉢催一肩攜雨至滿座帶秋來

寂寞分司興翱翔太守杯幸因諸子在懷抱借還開

伊璜入 范大司馬幕府詩以懷之

三年文字友千載歲寒心薄宦憐岐路高飛羨上林
春樓丹嶂滿竹徑翠雲深不念風塵道分題入苦吟

又

山川收滿篋况味轉蕭疎頓覺芙蓉麗難忘縞紵初
雨來燈下局詩就醉中書重憶淋漓興空歌三歲如

又

尚有同心侶鴛湖一虎頭踴涼搔短鬢寂寞斷深甌
共卓三才目偏含萬里愁知君能念舊風雨眺高樓

又

妙選梁園俊枚生作賦才傳歌畱雨雪飛檄走風雷
飽歷牂牁路深知鴛鴦哀精思誇獨處起艸莫徘徊

由昆池泛舟登於川閣

選幽思洗俗鼓枻入滄浪
衣桁懸篔簹濕橋簽曝稻香
隣舟呼海菜隔浦指蓮房
儘有逍遙興迂途白不妨

又

四圍寒意重雨氣帶蒹葭
暖愛雲中日幽憐水面花
舟迴茅屋轉風急布帆斜
枰設方思靜難禁笑語譁

又

近岸移輕舫登樓豁遠矚
水光呈五色雲勢續千峯

機淬禪鋒迅譚開客思慵同心憐二遠杖履許相從

又

經月遲開興今朝發朗吟漁歌閒可聽鷗夢靜堪尋
磅礪收秋色畱連度夕陰歸舟良夜淺燈火一城深

優鉢羅花佛國異本也 撫軍園內一株十月

發蕊期約漁村賞之慮其遲放乃未三日大

開賓主歡洽漁村賦詩索和

十月靈芽闕衝寒一夜開中丞佳興滿太史藻思來

澹蕩畱霜月淋漓續酒杯歌聲聞下里屬和意徘徊

又

撒棘滇風起遊山野興賒曾聞題古洞又見賦奇花
墨灑瓊姿艷香分素影斜炎荒雙紀盛韻事廻無涯

遊銅瓦寺適伊璜不期而至

懷人空室適載酒問各山古殿新特眼寒花破老顏
尋幽精舍淺說怪野情閒恰喜良朋至黃昏未許還

因脩滇志移榻昆明書院

著作吾何敢
枝讐聊自如
閉門燈火靜
伏枕夢魂虛
月色籠金馬
雞聲禡木魚
此中開遠會
天地等蘧廬



五言排律

吳自肅

石撫軍園亭招飲恭撰十二韻

金風初入律玉節正開樽
驄馬城邊出鸞旗樹裏翻
花光雲護影艸色雨留痕
過水盤高嶺登樓散遠村
建牙多暇日揮麈有清言
讌集聯文武寅恭協弟昆
幽情方暢叙逸興更高騫
四鵠懸麾府雙鷗避戟門
序賢因體國卜晝寓調元
肅穆冠裳濟從容笑語溫
竊觀君子德如負野人暄
逢掖依台袞星芒耀斗垣

劉訥庵日清風肆好無應制板腐氣
丁澹汝日工麗中復爾流動曲盡長律能事

石撫軍再招飲太華山

既涉園亭趣還思山水遊旌旗疏道左簫鼓振中流
樹影衝舟動禾香入酒浮遙分千嶺色俯眺一湖秋
野老供鮮味歌童轉妙喉笑譚忘勢分~~我~~顧到林丘
睥睨前峯近委蛇曲徑幽高低翻皂蓋隱現出紅樓
拾級凌霄上諸天逼座畱光輝懸北斗風景擅南州
劇賞三農樂同消~~苟~~且憂追陪叨盛事忭舞紀鴻庥

劉訥庵曰與許工悉敵
丁澹汝曰極似少陵陪嚴節度登眺諸作

澂江午日悶雨後有自會城來者艷稱杏花圃

龍舟之盛

作宦人同節遭逢我獨殊
眼迷羅藏寺神暗撫仙湖
別院榴花笑當簷水怪呼
虛傳長命縷浪貼避兵符
老僕童心減良朋酒興孤
何堪聞盛事不分更吾徒
旆影華山雨雲炎碧海珠
輕笳催畫鷁高角鬪飛鳧
綵帳南岡列香榭北澗俱
蒲薰金鑿落柳扎錦模餽

湘水還憐楚秦淮尚憶吳舊寓秦淮龍舟獨盛誰能裁玉尺我

欲碎冰壺

由河陽過江川紀事

再走烏摩道還登白石岡馬愁蹄欵段車怨輻郎當
雨暗芙蓉浦烟迷薜荔墻拖泥芒履重捲霧艸簑涼
薄暮鴉成陣前村鴈斷行張燈遲夜半呼酒伴昏黃
共醉聞新詠孤眠夢故鄉雞聲旋破曉人語又催裝
辛苦覓方定逍遙與又在下事攜素友鼓櫂泛滄浪

髣髴魚龍喜霏激荇藻香
汀山影動波湧樹枝忙
舟子談遺事奚僮理舊囊
頓忘三折坂聊轉九迴腸

丁澹汝曰嚴
整復極排蕩

登樓

兩度臨陽郡頻登舊署樓
披襟風力勁洗耳雨聲柔
學海窻前動文山座上浮
艸深藏變豹松老起潛虬
共指妖氛淨還含戰壘愁
魯奎方虎闔漢將好封侯

丁澹汝曰學
海聯高渾

思歸

離家逾二載歸路繞千山事過心多悔思深夢不閒
 鶯花娛病眼風雨老愁顏已覺長歌減還將尺素刪
 調葉懷靜好舞綵憶斑斕何日方開徑終朝學閉關

丁鶯汝口鶯
 花聯似柱





思歸

離家逾二載歸路繞千山
舉過心多恨思深對不眠
鶯花娛病眼風雨老慈顏
已覺長歌城戍角天寒關
調瑟懷靜好難緣德在憐
何日方隨各終州學問關

丁未年
在學似社









